




卯

子
年
亥





嘉定王鳴盛撰

曲臺林取藁

求野堂藏版

己巳夏予乞身歸里卿大夫士皆有詩寵其行而嘉定王孝廉鳳喈贈五言百韻一章排比鋪張才情繁富而一歸於有典有則予心焉重之既讀其竹素園詩及日下集若干卷知其平日學可以貫穿經史識可以論斷古今才可以包孕餘子意不在詩而發而為詩宜其無意求工而不能不工也予慨詩教之壞前此四十餘年禰宋祧唐有隊仗無意趣有曼逸無醞蓄覺前人之情與景涵才為法斂者剗削不存而近代稱詩之家又復喜輕佻尚剽販粉黛纂組百態呈妍其他橫逞胸臆者則又荒幻險怪同於跳丸掉

嘉定王鳴盛撰

曲吉室林取藁

求野堂藏版

己巳夏予乞身歸里卿大夫士皆有詩寵其行而嘉定王孝廉鳳喈贈五言百韻一章排比鋪張才情繁富而一歸於有典有則予心焉重之既讀其竹素園詩及日下集若干卷知其平日學可以貫穿經史識可以論斷古今才可以包孕餘子意不在詩而發而爲詩宜其無意求工而不能不工也予嘅詩教之壞前此四十餘年禰宋祧唐有隊仗無意趣有夢逸無醞蓄覺前人之情與景涵才爲法斂者剝削不存而近代稱詩之家又復喜輕佻尚剽販粉黛纂組百態呈妍其他橫逞胸臆者則又荒幻險怪同於跳丸掉

竿吞刀吐火之流而少陵所謂前輩飛騰別裁僞體
比於鯨魚碧海者或未之見焉是亦吾黨之憂也鳳
嗜能卓然於舉世波靡之日平心易氣磊落英多而
書味盎然可希風於古君子之其言有物者其亦中
流之一壺也已鳳嗜大父卓人先生以名孝廉終於
廣文尊甫通侯同學以名諸生滯於庠序予於兩世
交誼在紀羣間也今復遇鳳嗜於小友之列蓋親見
其祖孫父子之以文行代興而予年亦忽忽其衰憊
矣韓子云位不稱德者有後又云遲之久者蘊必發
揆之於理有不誣者他日賦明堂歌寶鼎敷陳白麟

赤鳳之竒本平日之學之才之識而光大焉而涵泳
焉視從前諸作應有更高一格者予雖老耄猶及序
而傳之

乾隆己巳秋季長洲友人沈德潛題於歸愚齋

唐以詩取士而賈公彥顏師古之倫未嘗以聲律擅長
古文至宋爲極盛而陳祥道王應麟輩專意著書於辭
章之學亦不暇爲人生精力有限春華秋實蓋各得其
性之所近求兼人之材即古人猶難之近代之從事於
詩古文辭者取悅流俗多尚貌似或剽掠於字句浮響
之間根柢之不深其爲之也易則其傳也不遠然則溯
源於經史以求其實此爲詩古文者之急務矣嘉定王
孝廉鳳喈以絕異之姿志在著述十餘齡即徧誦五經
泛覽史鑑逾弱冠篋次已數百卷嘗疾梅疇古文之僞
作尚書從朔攻之又取崑山徐氏讀禮通考節舉其要

補成吉軍賓嘉四禮窺其意殆不欲以文士自命者觀其所為詩風調高華詞旨超遠澗澗乎大雅之遺音文亦理明辭達一惟宋元作者為歸信能摭其華食其實有兼人之材者已鳳喈居瀕海雅負高氣世鮮知者一旦扁舟過吳門好古之士咸竒其才思盡出其所藏讀之鳳喈不肯多出也無已其學人則先以其詩鋟諸版世之審音者諷詠之胥知其陶冶性靈而又本之於學進於正始以追逐古人於千載之上異乎剽掠者流也鳳喈六世祖玄陽山人逢年以詩名前明嘉隆間見列朝詩集明詩綜諸書為王元美所擯故不大顯今弇州四部藁學者罕習鳳喈出使玄陽之壇坫再振於聲銷灰燼之餘斯又藝苑之乘除也夫

乾隆十四年三月樓山李果序

竹素園詩草卷一

發金陵

嘉定王鳴盛鳳喈



驃騎航南路青驄驟玉鞭悲笳千里戍落日萬家煙雁
影天邊沒秋風客思懸江湖何處宿且上運租船

秋日邨居

僻徑無車馬閑園長薜蘿秋空雲影薄樓迴樹聲多解
帶貧高卧銜杯獨放歌草玄我已就寂寞竟如何

學古十二首

春回土脉發百卉弄青蔥彌岡被脩陂鬱鬱不可窮菴

竹素園詩卷一
忽歲云暮凜冽成嚴冬露白凋芳蘭江冷摧丹楓青蔥
曾幾時刺眼攢柯空我聞龍門下亭亭百尺桐下枝巢
鳳凰上枝吹天風秋風吹不萎春風吹不榮叶音融所以
勵志士念此心憂忡

夸父志逐日愚公思移山帝女銜石飛海水凌潺湲我
思古之人寧畏心力孱招搖沒西北倏忽浮雲還轅馬
鳴蕭蕭車輪駕班班問客何所之乃在五嶽端遙望危
且嶮山獸相拘攀努力向前路誰復知我艱謂客無庸
悲後至多所歡

暮從野雀宿熱息惡木陰不顧利傍刀取適方自今共
笑杞人愚戚戚愁慮深誰知池仲魚烈燄來相侵男兒
既墮地一升或一沉幽獨諒不愆要路胡足歆幸逢黍
稷熟有酒且酌斟涼風日夕來理我丘中琴四座請勿
喧領此絃外音知音良獨難哲士多苦心

枯桑號寒風駛景忽西匿故人在邯鄲妾身寄渭北信
誓苟不渝川涂安可隔所嗟蕙草殘芳華盡衰息衰息
良可悲恥獨自彫飾水向溝中流縑自新人織新故一
以移棄我如遺迹在下有潛淵在上有白日君行雖無
期妾意終莫易不願化黃鵠願作澗中石
鋪糜未能共拔劍掉輪鞅出入長苦辛行行墮塵網人

非金石堅百憂積悵快倏忽隨颺塵靡滅化土壤上士
服食方為說何滉漭又或一死生齊物矜孤賞周公蒙
流言仁義要無枉魯叟道不行歸與裁吾黨聖賢亦同
盡嗚呼道可仰豈必騎飛龍超景窮象罔寄聲寂寞人
毋為歌慨慷

淒風忽以至寒露亦以多緬昔同門友玉珮鳴珠珂六
街逐車塵聲啖相噓呵苦哉志士心匿影潛煙蘿所思
在薊門峻阪何嗟哉欲徃從之遊道阻橫江河驚湍舞
黃虬惡浪走丹鼉歸來閉委巷垂帷勤編摩羞照黑髮
濃坐送青春過書劍兩無用壯志當如何

南國有佳人容華一何綺渺渺其愁余盈盈隔秋水秋
水見底清下有一雙鯉我欲寄遠書搖尾不受餌中庭
生桂樹團團秋月裏秋月照空堦葉落秋風起

我有綠綺琴調高彈白雪盛以重錦囊繫之五綵結泠
泠多清音入手詎敢襲我欲持爾去聊求俗所悅爾音
未能變且復與爾別別久再一彈淒淒聲慘切焦桐心
未死向我發悲咽所以古哲人聞此腸斷絕

西域有靈鳥自愛翠羽妍虞人一見獲顛顛誰相憐不
如轉丸蟲陋體堪自全榎梓千餘尺植彼南山巔匠氏
斲為瑟絙以朱絲絃不如河畔草鬱鬱自芊眠物理固

應爾人事亦復然斯言本莊叟不材終天年

匣中三尺鐵誓報知己讐袖之出戶去結客在冀州贈
我木難珠答之狐白裘朝酣易水上夕宿咸陽樓趙女
顏如花緩坐彈箜篌下視今世士各有稻粱謀牽衣戀
婢子刺刺語不休

洛陽少年子裘馬何翩躚身騎五花驄手控七寶鞭出
郭射獵回擁至巨宅前洞房深且煖瓴水如插天妖姬
倚門立迎笑工乞憐須臾歌舞集一簇開紅筵淺斟醺
醪酒低唱白紵篇昨日訪其處陵谷多變遷一變為荒
隴再變為桑田憑弔悲風起拔劍心茫然

我昔登蓬萊俯視人寰卑囊攜五石散飯煮千年芝般
般雪色鹿但向雲中騎陵陽及容成驂驪恣委蛇一朝
忽謫墮紅塵暫栖羈世路多偏側蜷局靡所之何當揮
手去結伴重遊嬉旦發自扶桑弭節凌崦嵫赤腳走海
上踏着珊瑚枝

秋暮旅次感懷集杜甫句

秋盡東行且未回百年多病獨登臺蒼苔濁酒林中靜
風急天高猿嘯哀歲暮陰陽移短景一生襟抱向誰開
舌存恥作窮途哭黃帽青鞵歸去來

短歌行

有白者華被彼崇岡莫養二人慨當以慷解枯樹雖小
 其根已深生年十九猶有童心解我瞻四方使我心惻
 豈不欲往畏彼枳棘解爰采杜蘅將貽所思道里遼遠
 山川間之解言膏我車載馳載驅前路漫漫我心則憂
 切五衣虛我心則憂忝我所生慎脩我躬庶貽令名解

烏夜啼

長楸宮晚局魚鑰妙舞纖羅迴袖弱蒲萄香泛金鑿落
 茱萸帳煖明珠箔衰絲欲沉燭影微捲簾啓戶露濕衣
 牛女爛爛天河低繁霜著樹烏驚啼

讀曲歌

有酒嚼復嚼懷人山上山
 菖蒲空作花黃葛何當還

那呵灘

棹舟那呵灘
 棹舟日已暮
 遙聞舟子歌
 盡是懷鄉句

題画

冷翠散遙岑
 荒煙出遠樹
 巖間雲忽興
 化作巖下雨
 溪邊古仙人
 棹舟往何處

遠別離四首

湘山重疊碧雲多
 容與逍遙奈怨何
 極浦參差日暮發
 秋風落木洞庭波

鷓鴣啁哳獸相攀
 路阻脩門掩玉關
 帝子不歸芳草綠

紛紛桂樹落空山

東南初日照曛曛西北浮雲逐逝風斗酒今朝明旦別
男兒合喚可憐蟲

目送離鴻奏玉琴相思孤月楚江深清塵濁水無時合
拉雜摧燒瑇瑁簪

詠古二首

從來女子重前夫能使黃金意氣無不分道旁閑躑躅
世間輕薄有秋胡

未必東方果獨殊善誇夫婿是羅敷心憐白晢從千騎
四十鬢鬢頗有鬚

還家後有作二首

倦遊垂橐返愁病復相兼長物青氈在高堂白髮添棄
縑雖有志種菜亦何嫌回首天涯路行藏不用占

牽蘿重補屋息影謝風塵述作愁中輟桑麻野外新年
豐差免餓書富不憂貧終勝長安內栖栖索米人

過羅漢寺追懷雪谷上人

上人善琴去年過此
為予彈梅花引三弄

又善畫竹所
居皆種竹

寂寞琴三弄蕭森竹數竿一為滄海別無那舊盟寒飛
錫今誰付遺詩尚未刊平生蓮社客每過獨沈瀾

垓下行

項王勇蓋世時不利兮騅不逝騅不逝兮可奈何宛轉
蛾眉帳前死蛾眉恨未銷怨魄豈堪招千年化作原頭
草不逐東風入漢郊漢家隆準本蒼龍竭來故里歌大
風大風歌殘楚歌起楚歌楚舞悲安窮矧繳無所施去
作永巷春吁嗟乎結交或凶終娶婦疑其夫千金之誓
一夕而渝與為人彘寧為虞

陳宮

夜夜對壁月朝朝賞瓊樹南北限長江北兵那得渡

折楊柳

酌酒口唱楊柳曲出門手扞楊柳條愁霖到地泥滑滑

行人上隴車遙遙

竹枝詞

儂今盪槳到三湘江水青青江艸香盪到荷花最深處
雙雙飛出錦鴛鴦

艾如張

艾而張羅張羅野田裏野田雀飛多有遊遨蕩子更用
睢陽彊蘇合彈嗟爾安得飛上天拔劍救爾出拉沓高
飛離哉翻不願受爾雙玉環玉環不願受乃是俠少年

烏生八九子

烏烏啞啞尾畢逋不知壽命真為愚攜子八九銜一妻

道逢鷓子經天飛鷓子啄烏洞左腋生子失母亦可惜
作書勸烏何不徑去塞北遙野死腐肉安能逃食有腐
肉宿有葦蒲波切鷓子雖猛當奈何

題画

披圖長自愛煙嵐筍笠筠竿我舊諳風葉滿山秋水濶
孤蓬殘夢到江南

吳門旅懷二十四韻

牢落浮生拙因人媿壯遊吹篪去楚市磨鏡寄南州業
自甘屠釣人呼作馬牛軟塵何逐逐行路亦悠悠未遂
歸與興翻添逝者愁座中誰識孟幕下且依劉地主逢

仙令黃元和建中字憐吾類楚囚一枝容信宿卒歲暫

優游梅尉名全隱劉楨疾半瘳悲歌空嘆惜跋扈捲岑

牟意氣樽中盡年光隙影道關山多落日星漢忽西流

白袷涼歸篋黃花插滿頭漫捐青玉玦漸敝黑貂裘鄉

夢飛明鏡寒衣憶故丘老親誰負米長望更登樓鉤黨

先朝事七世祖國子監司業同祖六世祖布衣逢年皆

堂集錢謙益列居貧累世憂采蘭雖眷戀彈鋏尚淹留

世眼人皆白交情曲似鉤功名讓監子辭賦雜俳優魯

酒愁難醉商飈慘未休羈懷雙別鶴旅迹一沙鷗齊物

歸莊叟騷情屬蹇脩行當掉臂去恥作稻梁謀

題會稽秦記室

琛遺詩

時令弟雨塘相逢逆旅

越谿漁隱真狂叟身後殘編讀愈悲
王祭離家能作賦鄧攸垂老竟無兒
半生席帽氎衫客數卷雕瓊鏤雪詩
却喜阿戎還跋扈相逢話舊淚如絲

贈虞東臯先生集杜甫句

廣文到官舍吳門興杳然釣竿欲拂珊瑚樹
鮭菜忘歸范蠡船吏隱適情性陶冶賴詩篇
羣書萬卷常暗誦清詩句句盡堪傳
近來海內為長句紛紛輕薄何須數
似君須向古人求世人那得知其故
學書初學衛夫人書貴瘦硬方通神
蛟龍盤拏內屈強鷲鳥舉翮連層雲丹

青不知老將至尤工遠勢古莫比挂君高堂之素壁雲
白山青萬餘里天下幾人畫古松意匠慘淡經營中陰
崖却承霜雪幹中有雲氣隨飛龍多才依舊能潦倒但
話宿昔傷懷抱王生早曾拜顏色相逢苦覺人情好悠
悠滄海情旅食豈才名平生感意氣歛使寸心傾先生
有道出羲皇焉得置之貢玉堂一官羈絆寔藏身茂陵
著書消渴長青山落日江湖白神仙中人不易得一為
歌行歌主客

投吳牧園先生集杜甫句二首

經術昔相傳才名四十年詞華傾後輩鐘律儼高懸回

首驅流俗歸山買薄田本無軒冕意送老白雲邊
弟子貧原憲諸公厭禰衡飄零為客久寂寞壯心驚把
酒且深酌幽居不用名昔承推獎分長嘯一含情

青浦張翀結廬先人墓側画白雲廬圖索題

夕陽黃葉接寒蕪風木蕭蕭丙舍孤愛爾硯池餘孝水
自能和淚寫橫圖

高樓篇

高樓綺疏開深深麝烟馥中有嬋媛子容華世所獨曉
夢日三竿湘波裙六幅閑來弄丹鉛時或理箏筑笑金
寧計千量珠應論斛昨宵媒氏來云有豪華族阿母欠

端詳製吾嫁衣服含意羞自陳蛾眉已暗感顧此窈窕
顏委身配凡俗

射虎行

將軍射虎南山下日暮反遭亭尉罵數竒刁斗自常閑
百戰功名淚應灑紛紛將相椒房親侯印應歸蹋鞠人
已見嫖姚臨瀚海還聞緹縈賜宜春平生骨相誇猿臂
那及人奴相偏貴鉗徒有眼勝王朔垂老空驚刀筆吏
刀筆之吏一相催對簿餘生劇可哀有兒幸遂封侯志
可奈甘泉野鹿來

正月望後三日得秀水錢著作坤一德清徐文

學穀函來書及詩却寄二首

梅花明岼雪春草綠山橋天外瑤華至夫君神理超仲

文雄大曆孝穆暨南朝同是栖栖者相思一水遥

朱叟述經義頗多未刻書竹垞先生經義考收藏老孫

子徵士傳寫好相於擬泛裴休島誅茅梅福居比隣釋

奇字來往興何如

二月三日官齋對雪

二月今年雪飄蕭打客窗春風吹細草寒水落空江盡

日歆烏帽狂歌醉玉缸那能對簿領牽拂壯心降

元和縣廳兩白松歌

白松兩株立縣廳駢柯攢影蛟龍形蒼皮崩剝擎雲瘦

鐵蘚爛斑帶雨青我來月閏正開朔徘徊愛對晴翠濯

琥珀空凝入地脂茯苓誰把長鏡斲此樹經今幾百年

此地舊迹人爭傳侍郎已去松尚在入官祇賣十萬錢

縣署為戶部侍郎歌樓花榭都零落倦客淹留轉寂寞

晚風謾謾瀉哀濤吹墮雲中雙白鶴

無錫秦南沙先生新贖得故宅一廛為投老地

賦詩四韻謹和奉呈

聞說東山傳猶存綠野堂閉門多著錄扶屐愛尋芳太

史周南滯陶潛舊宅荒今來重料理雲壑興何長

竹素園詩草卷二

嘉定王鳴盛鳳喈

題太倉去瑕兄詩卷二首

西風生微涼孤館秋蟲響客子恒畏人閉戶絕還往吾
兄靜者流相於比盼蠻長嘯落蘇門孤行披鶴氅同姓
情所敦論藝迭嘆獎倒囊出新詩清冷逼泱泱醍醐能
發性卧對肌髮爽我已鍊大藥神山勞夢想相攜歌紫
芝飛步謝塵鞅

我家練祁湖卜居始我祖君家婁江濱帶索守環堵耦
耕願未償因人嗟終窶短衣浣埃塵席帽衝風雨吳閭

佳麗地信美非我土鬢影各蕭然相顧愁千縷勸君學
干時要路當自取不然覓錢刀去作洛陽賈低頭耽苦
吟戚戚終何補

泛太湖泊東山麓

擊汰中流去空濛指洞庭曉鋪千匹練冷浸一天星水
氣侵衣濕嵐光倒影青莫矚欣在眼棹入巖扃

學公山房

叢桂堆枝綻金庭古洞幽山空疑欲雨人瘦不禁秋嗜
酒陶元亮能詩湯惠休長歌自來往七十二峰頭

木爪

旅館三秋熱庭隅一樹陰枯樓同結子酸楚攪愁吟李望木爪山詩客心自微搯香盈袖堆盆色寫金他鄉誰
酸楚况對木爪山漬粉聊貯枕函深

虎山橋

十里蕭蕭古樹風溫庭筠廣亭遙對舊娃宮皮日那堪回

首長洲苑李嘉祐多少樓臺煙雨中杜牧

謁虞薇山先生祠二十四韻有序

先生名薦發字君瑞其先丹陽人宋德祐中避地無錫
性至孝與弟應酉極友愛學積行脩口未嘗言利也時
兵亂科舉草無錫學久廢諸生強起先生為師先生倡

議曰文靖楊公寓常州十八年邑之東林精舍即其講
學地將明聖賢之道不復先師之舊可乎遂重建精舍
中設文靖栗主鄉飲禮壞矣贊邑長脩之秦淮海墓沒
於豪矣謀復之士有田籍官俾給驛傳先生極言於諸
使得免為師十餘年終不受廩祿當路薦之授興國路
儒學提舉辭不赴自號薇山老人有故國之思焉元延
祐甲寅初行科舉右丞許某董試江浙徵之乃曰我所
避利祿耳今幸無是遂應聘經疑問忠恕或以天地忠
恕對闕者黜之先生曰此程子之說黜而復取者數人
試畢即歸年七十有八卒於延祐間有集二十卷子志

道字彥高弱冠以茂異起為校官教授湖州與趙孟頫
善以嘉興尹致仕亦有集予維東林莫盛於明季而倡
之者寔先生也乾隆八年其裔孫重葺其祠遂為詩志
之

一自東林闢從知吾道南年深荒草蔓殺氣慘戈鋌夫
子雲陽彥真儒經義諳間關逃寇亂避地結山龕圖象
搜竒徧煙霞野性耽校書驚太乙讀讖謝桓譚負笈他
邦至遺祠片席參微言闡洛閩說黜瞿聃夜雪褰裳
侍春風握麈談苛徭為懇請廢墓獨窮探鄉飲脩先禮
名賢祀小菴經營皆克就勞瘁復何慙堂下魚生鱸家

儲米乏甌衡文雖應命詔祿詎曾貧賈傅長流涕稽康
每不堪褐衣終遁跡幽谷傲華簪教子金羸棄餐薇老
淚含歿時社祭重薦用菊泉甘倦客嘗投足梁谿暫解
驂餘徽瞻杳邈末學慨詎誦古瓦眠蒼鼠殘編走白蟬
淒涼存敗碣寂歷漾空潭忽喜新丹粉兼之植杞楠臨
風頻獻弔鬢影漫鬢鬢

自笑

強支瘦骨對青樽誓把心同古井智淅淅暗風欺病蝶
絲絲微雨度重門江流東去魚難上月影西沉夢未溫
自笑平生恨枯槁閑情一賦與誰論

蘇臺懷古

荒臺悵望意無窮吳苑山川入畫中斷砌尚埋今古恨
寒煙舊是綺羅叢鷓鴣飛後平蕪綠麋鹿遊時野殿空
何似當年嘗膽客會稽棲得五千雄

寶帶橋翫月

長橋七十二萬頃瑩鏡面一橋月一鈎竒絕珠一串

平望

野水浮孤邨寒煙斂斜照尚想耕閑翁結茅此吟嘯宋末

隱士孫銳字穎叔號耕閑居平望有集

寄題蔣二奕蘭倚梧軒二首

繡谷風流憶往年繡谷尊公樹存先生闢虞山玉石谷作圖重教疊石貯雲
煙高情獨愛湖山勝陸處翻添書畫船水木頗疑新綠
野經營不讓舊平泉吳閭本是繁華俗輸與先生樂地
偏
白雲當戶意俱閑百尺清陰近可攀幔捲豁然容款客
城遮不盡好看山自勻黃蠟鉤秦漢暇潑金壺鬪柳顏
他日抽帆便相訪一瓶更乞借書還

逢長興欽明府璉二首

顧渚雲嵐罨畫清吳均柳惲古今情口銜白鳳然藜火
帽豎宮花到玉京鳧鷖新恩邀日月桑枝謠頌滿江城
相逢喜托通門舊自顧空慙倒屣迎
茂苑烟波足菜鮭興來仍踏舊青鞵紅簾白舫菱歌起
冰簟繩牀月影偕潦倒自憐疎酒盞飄零未得返茅柴
祇應攜我尋山去小住新涼亦復佳

題友人別墅

斯人卧雲壑五畝足幽居不讀貨殖傳愛鈔種樹書齒
齒石抽筍漉漉泉鳴渠何時斲靈藥同把金鴉耜

夏日田家詞

端居寡人事雜草耕燒畬交媵歌插秧臨水人撈鰕池
塘澹遙綠碌礪欹杈陰陰柴門靜吹絮風中斜農家

趁微涼打麥連塲劫忽驚一犬鳴知有人買茶

太湖曾船竹枝詞三首

空濛萬頃曉煙輕石室銀房相向明儂船盪到湖心去
一派衝波撒網聲

斜風細雨作生涯雉婦魚師共一家嬌小可憐十三女
玉鱸青鯽便能叉

鎮日顛狂舶趁風芙蓉盤菱蕩迷西東濕雲片片吹作雨
滴碎魚鱗細篋篷

吳門送秦玘還會稽

相逢把臂話平生惆悵河梁空復情一曲驪駒吳市酒

半帆風雪越王城殊方慣易添離恨後會還期憶舊盟
此去鄉園何限好剡溪孤月鏡中明

橫塘曲

橫塘七十二鴛鴦兩岸好風吹細柳毵毵斜映碧牕紗
中有傾城世無偶合歡牀上芙蓉衾烏皮几上蒲萄酒
溫衾酌酒金叵羅郎來同執纖纖手執纖手當奈何玉
釵挂冠為君歌君今美好顏如玉去日苦長來日促當
茲不樂君太癡十丈軟塵空躑躅不如嬌歌妙舞醉深
宵青衫紅袖相招要趙女挾瑟出繡幃明璫耀首簷綸
貂落花如雨蠟淚飄殘香裊裊凌紫霄夜半天雞啼不

起明星欲落長河裏萬歲千秋常似此

贈朱

聲海虞王良齋
山長館甥

虞山夫子明絕學竭來講席覺後覺三吳佳士簪笠偕
戴崇問字尤頻數絳帷諸彥各不羣青綾障外更逢君
看君意氣本自竒矯矯有若并州兒當秋鷗鷺厲羽翼
下筆金石驅文辭君家乃在東海上烟雨湖山各殊狀
劔門中斷出高峰拂水晴空翻素浪我今作客無歡顏
何當從君相往還扁舟日日吟眺于其間酒酣四顧一
長嘯把臂仍歌行路難

題金陵水榭

花月春江枉斷腸紅樓十四卸紅妝輕煙淡粉低迷處
小字還傳薛潤孃

飢驅行

飢來驅人不得息天涯浪作孤行客寒驢蹙蹙破曉煙
長途漫漫風雪逼遙指晴嵐宿霧開懸崖倚天排崩劣
怪石如鬼欲搏人虬枝蟠屈當路側迤邐徑轉山腰處
叢祠門掩斜陽路解鞍整屐入門來鷓鴣亂啼楸子樹
鬼物青紅無姓名蒼苔四壁殘碑仆嗟哉此地不可留
急覓歸途下山去炊烟一縷酒旗飄藜杖老人招客住
題安亭錢上舍園居和沈歸愚先生韻

之子畏人成小築三徑窅窅連煙嵐瘦松作門藤作戶
似綰絡索垂龍髯瀄瀄之水澹縈抱天青雨過烘柔藍
高軒繡幃總不到披裘五月時同探八窓並拓吟屐至
脫略苛禮忘冠簪油菜花香菱角嫩貓頭筍熟蓴絲甘
深盃百罰恣傾倒冷笑乞墅貧羊曇錢君古心又古貌
修綆汲古思窮覃熙甫風流今已矣肯使絕學熒瞿聃
遺經獨抱裁偽體俯視下里聲齟齬誰與作詩柱下沈
盤空硬語才思酣微吟聊比蟬雀噪放筆月落天西南

朱鳥五首

朱鳥牕前錦瑟長芙蓉帳外挂明光鸚哥睡穩微風起

鳳子衣單宿雨涼清路心憐拋濁水博山情願作沉香
翻飛却妬釵梁燕立傍疎簾鍼線箱

曲曲池塘窄徑行湯溫豆蔻半宵傾香添茉莉雲鬢膩
風送芭蕉夜雨聲化石山頭何日爛微塵海底又重生
郎恩便是天邊月苦恨身如螢火輕

江草江花葉未凋春衫煖處夜香銷下堦齊拜初三月
攜手閑尋第四橋盃鳳半歌金鏤枕男錢偷壓翠雲翹
爭知青雀西飛去一丈紅牆咫尺遙

青牛丹轂宿誰家桂樹華鐙簾半遮草木慣生無患子
菖蒲獨喚可憐花紅樓夢冷龍鬚席紫陌春殘油壁車

欲作石尤風四面江亭帆影去天斜
樽前重按小梁州司馬青衫淚不收綺閣寒燈愁擁髻
天涯芳草獨登樓江南樹樹開紅豆溝水淒淒賦白頭
獨立蒼茫煙雨暮蘋花一片渚宮秋

宋尚迪輓詩二十二韻

寥落經年別存亡一夕分酒壚皆往事鄰笛詎堪聞每
憶苔岑契思將筆硯焚過從寬禮數投分托慙慙綺語
追江鮑經疑勘典墳風簾晴澹沲黯火夜氤氳道士黃
庭帖羊欣白練裙燭花餘瀲灩醉墨走煙雲自顧猶童
歲傾心雅荷君壇場爭角逐玉帛廁邾鄆更趁扁舟樂

徐斟麴米醺同聲歡擊鉢草檄戲誅蟲礙舫蓴絲滑當
筵兔首盼尋山新蠟屐聯袂判斜曛問訊長卿渴相貽
野客芹短書辭款款長望水沄沄不道銘旌到俄驚涕
淚紛青蠅充弔客白鶴下孤墳梁燕棲傍舍牙籤蝕冷
芸遙知存丙舍寔恐散遺文重賻慙何有哀歌空自殷
當時舊遊地搔首對河濱

讀書漫感四首

詆嘲風月類俳優雕刻纖毫棘刺猴鼎鼎百年能有幾
枉拋心力作詩囚

人人語錄各操觚微妙難傳太極圖魯叟不曾談性道

紛紛却怪宋元儒
廣聚生徒互主盟
一言往復費譏評
著書本意期明道
底用分門起鬪爭
麟經強擬作刑書
管見深文略似渠
家學相承工罵世
千秋有毀更無譽

登縹緲峰望太湖

吳山多平行茲地
偏嶄崑天公妙手
斡地肺結作洞壑
連空嵌晴峰四面
七十二青天亂削
芙蓉巖未若縹緲
尤冠絕兒孫羅立
誰能參我生本無
適俗韻溪雲林雷
性所耽竭來况逢
春霽色支筇挈伴
尋煙嵐艇子呼短

棹茶具攜都籃行
行腰腳雖已憊欲
窮遠目心翻貧振
衣千仞逸興發極
望寒鏡開塵函重
重出浦樹渺渺來
風帆琉璃作堆濕
銀破雲濤倒黏天
蔚藍空濛幾點螺
子髻斜插玉女青
瑤簪有山如此良
不惡自昔冷客齊
來探或結蓮花社
或居燕子龕何當
一日婚嫁畢香茅
老屋峰腰添挈舟
便剝菱角紫入饌
細嚼葦絲甘一寸
二寸花開菖蒲節
千個萬個竹放檀
欒興龍威古洞况
有書可讀珠墳筮
典一一窮研覃回
首碌碌塵容黔世
味雖好不復諳却
憐興盡惆悵去買
山至竟成虛談

鄧尉看梅二首

鄧尉梅全放橫斜畫亦難香魂疑有夢瘦影不知寒遍
嶺含春早扁舟索笑者莫教羌笛怨吹徹數枝殘
霽曉鳥聲碎層巖屐齒來東風能澹蕩野興獨徘徊地
與青山近花憐白雪開長吟霜月上臨去首重回

春日舟過長蕩

亂水春烟外沿洄背郭斜連邨香蕙筍近市戶撈鰕野
岬桃花浪茅檐燕子家何時脫塵網結屋老蒹葭

明學亭先生載酒招遊栖靈寺望江南諸山作
漂泊今何道登臨春又殘花憐客舍落山向病中看飛
蓋追隨好騰觚禮數寬欲賡鮑照賦懷古更長嘆

露筋祠

霧鬢風鬟別樣粧靈旗肅肅捲斜陽故鄉燈火雞豚社
也賽叢祠楊九娘吾邑有楊九娘廟九娘元時孝女父

卒與露筋
事相類

竹素園詩草卷三

嘉定王鳴盛鳳喈

揚州懷古八首

朱邸曾聞此地開
離宮荒草易生哀
空餘頽壤糊千里
不見銅山剩一堆
漲海未乾枚叟諫
蕭關欲度亞夫來
絳唇玉貌埋魂處
費盡南朝作賦才

古木蒼烟董相祠
偶來剔蘚讀殘碑
天人策對才無敵
災異書成身更危
誰酌清泉羞杞菊
漫多蛛網罨罍罍
最憐希世工談笑
輸與平津牧豕兒

天塹俄驚劫火賒
樓船一樣鬪豪奢
閣中已老梁江總

臺畔重逢張麗華魚爛空思香甲煎螢飛仍照玉鉤斜
祇今板渚隋堤柳雨葉風花故故遮

一夢江都偶好遊寒蕪何處認迷樓画橋廿四金鞍躍
殿腳三千翠黛羞南部煙花歸大業東流嗚咽送邗溝
故宮併少銜泥燕重向空梁訴舊愁

裊盡花風縷縷烟鬢絲愁到杜樊川二分明月應長滿
一抹紅霞劇可憐水調遺聲春寂寞露桃凝恨玉嬋娟
竹西歌吹成銷歇腸斷雷塘好墓田

落鵑侍御有奇勲天遣真仙賜秘文綺閣先迎秦駙馬
羽衣新拜葛將軍兵符準擬逢玄女手板還傳是白雲

不道垂蓮題細字蟠龍感鳳一宵焚

文章師友杳難攀粟主千秋俎豆間遷客偶然成小築

遊人到此遠塵寰風流遙想花前醉青峭空留江上山

不是汪郎能好事誰教傑閣倚孱顏

平山堂後真賞樓
汪季用舍人建

飄殘瓊樹好春前嬾向紅樓墜馬鞭官閣可無何水部

孤墳誰弔柳屯田江湖浪跡人千里少壯閑情夢十年

舊是詩家惆悵地新愁題徧浣花箋

泛舟出鎮淮門過小秦淮雨泊紅橋暮至法海

寺宿舟中三首

晨光斂氛翳鼓柁出遠郊明漪下無底竹樹澄秋毫白

沙媚綠篠雜卉含紫苞沿洄極斷淑虹影浮長橋青蘆
響瑟瑟好雨來瀟瀟中筵陳樂方絃酒慰鬱陶迴思在
城市默慨形神勞

勞勞亦何為惻惻哀今古不見隋時宮荒墟盡平楚龍
舟與鳳舄事往迷處所紛吾年運徂零落忍羈旅青陽
不可留美人眇愁予不如隨所遭金樽引綠醕乘月弄
清輝沿流采芳杜

芳杜紛霍靡水石窮遭迴遭迴縱逸棹良遊遂忘歸豪
家富池館反恨浦嶼稀茲遊喜岑寂江湖共忘機移舟
蘭若近落景含餘暉風泉動華燭水氣侵我衣却因煙

際宿驚起沙鳥飛

登平山堂

淮南江北海西頭最愛平山愜勝遊石鼎煎茶開蜀井
江天望遠倚飛樓我來乘醉還相過塔影松濤雜坐卧
萬疊青山檻外迎二分明月樽前墮茲堂始建慶曆中
諸賢先後經營同題詩太守劉原父繼跡門生蘇長公
只今廢興經幾度堂邊無復參天樹乙卯避暑錄此堂
左右老木參天
惟有隋堤廿四橋画船簫鼓長來去

泛銷夏灣

炎歊苦鬱蒸擊汰追清歡樵風挂席去遂到銷夏灣一

今言園言直卷三
三
曲轉勝絕回首三面山谿口若門闕兩涯束其間孤嶼
澹空綠玄雲覆崇巒崇巒造木杪瀾瀾積水抱陰霞一
以斂夕影衆山倒澄泓綿數頃南望峰縹緲縹緲嵐欲
散茲灣颯如秋驕陽停頽照涼颼蕩夷猶煩暵既相忘
還復凌中流中流極溟漲弔古更惆悵吳王避暑宮聞
在層巖上斷瓦不可尋水石仍無恙暗傷逝者迹俯慙
勞者唱發唱何所悲行役無休期頻年走塵土素衣化
為緇人笑褌襪客觸熱窮奔馳茲灣多釣家何不營茅
茨細讀龍威書徧和水調詩

秋夜不寐

布衾如鐵一燈青拉瑟西風吹滿庭砌冷寒蟲連夜語
竹敲殘月隔簾聽更長夢短應難續酒少愁多却易醒
搖落賦情憐宋玉羈孤蹤跡自浮萍

送韓大伯慧之盱眙二首

驪歌一曲板橋頭路入淮南愜壯遊五丈浪花飛遠岫
千絲官柳送行舟到看梅蘂橫枝放恣典貂裘爛醉休
暇日經過武涉墓登臨何限古今愁

千年淮泗怒流爭萬井寒烟雁戶驚白面書生雖落魄
濟時豪氣尚縱橫旗亭酒肆纔聯袂布襪青鞵又獨行
知爾長才真不忝要將三策活疲氓

茅屋

搏黍枝頭語春勸煙外飛穿林結茅屋臨水掩柴扉鴨
腳陰堪坐雞栖綠漸肥好書讀不盡隨意送斜暉

採菱曲

有序

宋鮑照齊王融陶功曹均有採菱歌詞意舛陋梁武帝
改西曲作江南弄七曲有採菱曲簡文帝及江淹徐勉
陸罩江洪費昶繼作其詞亦未工也予本五湖之逸民
湖上人家大半種菱因用昶首句以發其端而增衍成
篇不特以潤色古詞亦聊以操土風云爾

妾家五湖口採菱五湖側自言生小慣風波越女紅妝

舊相識相識恰相逢蕩舟明鏡中木蘭為櫂青絲紉桂
浦椒潭極望通極望重重煙樹合菱花菱葉何稠疊淥
浪開時牽紫莖白蘋香處搖輕楫停楫憇江潭遙山斂
夕嵐清歌來渚北雜弄和江南江南此際腸堪斷玉殿
涼風歌絃管千金翠羽空相向一片春芳盡衰晚衰晚
漫多愁相邀返渡頭羅衣已覺薄白露暗驚秋秋江日
暮寒潮湧菱舟女伴誰相送橫塘獨打兩槳歸惟見鱗
鱗水雲動

繡佛辭

維摩一室天花香愛海情塵作道場鏡奩旁置淨名卷

蓮座還隨鍼線箱
鍼箱繡徧春花樣
却思我佛恩無量
願以手為不捨檀
十指挑絲作供養
慰得金塗斗底平
裁來錦段花無恙
靈芸巧製捷有神
是名為妙莊嚴相
昔從雙樹初拂衣
象王瓔珞連珠璣
全身忽憑尺素現
法雲不壞窮端倪
繡成分付裝池手
玉軸牙籤標幘首
小字親題偈一行
首楞嚴王世希有
薰以沉水煙挂向
小閣前與郎攜手
拈香拜同願他生
遊梵天

遊天平山謁范文正公祠晚宿德雲菴四首

坦步緣松陰行行興
猶緩羣峰蔽天來
蒼翠突在眼深
谷轉逶迤千盤陟
蹇產下嶺路忽平
佳境欣屢變朝嵐

四回合層崖昧陰顯
中涵數頃池淥淨
纓可澣面面青
蓮花倒影一鏡淺
藻密舞淪漪魚樂恣
游行旁有翻經
臺人去空碧蘚獨立
聊逍遙風來冷然善

久落塵網中見山喜
莫當捫葛尋仄磴
披雲來上方半山
敞閑亭豁達天宇
涼似聞風中泉觸
石鳴鏘鏘仰覩
匹練挂飛沫千巖
旁時于白雲裏流
出松花香結構倚
絕壁高下連虛廊
窈窕極迴轉一徑
穿雲岡石筍抽萬
笏離立紛成行不
見來處路俯視煙
蒼蒼

選勝事已窮懷古緬
高躅先正有范公
祠屋傍巖麓入
門山鳥啼瞻拜遺
像肅古楓三十樹
樹樹苔色綠銀榜

何崔嵬天書長照燭洛陽園勿營義莊贍貧族往迹歸
陳編清風激頽俗嗟予勞勞人學道意尤篤頗抱天下
憂自甘藿與粥何時此山居遺書快盡讀祠中有楓樹
三十株康熙

四十四年御書
扁曰濟時良相

微月生嶺下我亦循歸塗歸塗憺容與涼露衣裳濡夕
霏散作雲一氣乍有無遙瞻德雲菴林杪開精廬佛火
照閑寂妙香浮空虛齋厨供麻飯一飽已有餘宴坐默
不語塵根淨捐除夜深聞見滅清夢忘濛濛東方暎將
出整駕命僕夫回首翠微頂戀戀重踟躕

夏日過石湖

蒼茫雲水失炎蒸柔櫓輕帆興可乘急雨過時千匹練
野風涼處半湖菱橋通別浦晴波綠影倒羣峰晚翠層
凝想范公棲隱地田園得句轉飛騰

山齋夜卧

杳杳鐘聲晚劉長卿陰崖滴夜泉韋應物白雲還自散李白
月滿前川楊炯明蘿幌棲禪影王勃松聲韻野絃同上相看兩不
厭李白高枕石頭眠隱者

山中晚晴

一雨纔潑火羣星亂撒沙苔深磴戶寂暗墮石楠花

秋日旅次放言

休嗟髀肉暗中生容易秋風恨不平隱矣焉文高士志
悲哉為氣旅人情霸才管樂成何事詩筆曹劉莫漫驚
共笑著書無祿位他年論定獨嘖嘖

題省試卷後

秋燈矮屋舊生涯樺燭燒殘細漏賒兩薦棘闈仍落舉
屢依蓮幕尚無家迂疎漫學方三拜淪落翻同溫八叉
回首鏘金紆紫客杏園春好恣看花

百一詩

左道古必殺造言鄉有刑周官與王制經義猶堪徵承
平漏吞舟大道紛榛芳或會稱白蓮或教師傳燈或擁

黃口女或奉坐龕僧道場尤可駭凶嘉禮忽并公然用
鼓吹間以篳篥箏斬焉衰經中坐聽妙音聲像設高尋
丈冕笏垂丹青神仙外生死安用被綵繒一切有為法
熒惑兼愚氓擊斷固有術教化互先明我聞下無學賊
民所以興胡瑗如復起髦士庶可蒸

海濱眺望適值澄霽崇明諸沙彷彿可辨

百川必到海巨壑安朝宗回薄亘萬古一氣超鴻蒙吳
儂生長地本落滄溟東竒觀得自豪盡洗芥蒂胸何人
為此弄搏土撒遠空偉哉造化力不受怒浪衝鮫人與
蜃戶徙宅紛相從至今沙島外言言屹崇墉林林聚邑

井隱隱樣艨艟迢迢濯錦石歷歷撐江楓亦有夜火漁
亦有春耕農亦有潮雞鳴亦有炊烟濃時清金甲銷邊
堠無夕烽射魚笑之罟求藥啗乾封雲帆轉遼左市舶
來巴賈波臣靜不驕颺毋收狂風惟見天水接一碧磨
青銅雙丸就中吐百怪馮為宮惜無公虛才作賦千秋
雄徒憐心膽鹿放眼空濛濛

雜詩

火鼠火不避冰蠶冰不傷蓼蟲食苦辛寒號笑鳳凰萬
族各自得本性固有常有錢始作人志士多慨慷栖栖
求儋石飄飄托殊方摧折氣已下羞語百鍊剛寄愁天

路遙仰視空徬徨

西北有高樓四十韻

孔雀東南翼高樓西北窻深深複斗帳曲曲枕牀杠掌
冷三霄露蟬拖一抹髻拈碁安罫局繡佛豎蓮幢謝傳
開芳墅王昌住楚邦雲中月詎遠冰下語非咙盤石依
蒲葦連錢驟駿駝伯勞飛晚渡銀液壓心懣鏡檻拳珠
蒜星河步玉砭舉頭榆歷歷獨背影幢幢檐響驚仙鼠
花陰避吠龙真同鶴骨舞却似谷音蛩坐檠腸翻亂牽
牛誓太憊汝南雞臍膊巫峽雨崆峒偶愛風前立閑吟
興未降煤勻應和麝筆勁訝如鏹邀勒遊香陌勾留度

短濤枳籬尋眾穀池漲聽琤淙竹屋除簾額苔紋罨樹
樁空林殘雪凍野寺暮鐘撞移種栽紅豆攀枝摘白豉
歡悰方旖旎沉痼感降肛丹鼎手親煑紫姑壁隙扛語
於除夕以青竹兜扛神於壁隙而祭之珊瑚刀刺汁
人家小兒女取盃玳擲地云可卜吉凶
芍藥醬盈瓦桂火煨麟脯松醪勸碧缸氤氳添獸炭羶
膩撤羊羸方勝春奩帖圓釘節鼓撻何妨濃笑露長自
比肩雙獻歲纔椒頌離情對水澗方回還舊里少伯泛
浮舡吳下羞言陸襄陽願學龐細將家計論判上釣魚
艘教製篋兼笠相隨耕復糴屋殊金絕赫帆異錦棹雙
世事同飄梗天涯曳敝襦山程迷倦驛水宿駭奔泝况

弟悲流宕摻搨溷榻控盤中詩四角劔缺調無腔夢裏
飛明鏡萍踪狎怒瀧瑤絨如可寄湘岸擷蘭芷

抵舍自慰二首

淚痕客久滿衣裾塵網何時得破除蹤跡原無千里外
飄零已是七年餘薄田未定躬耕計殘蠹空留手拔書
燈火團圍堪慰藉結廬準擬狎樵漁

紫鳳天吳亦鬪妍孺人稚子共留連藥鑪經卷閑相慶
椎髻蓬頭盡可憐磨滅懷中半刺字商量生計五湖船
笑他犢鼻貧無賴且拔金釵當酒錢

偶成

騷雅原同祖齊梁莫漫輕少陵推小庾供奉似陰鏗

得丁卯省試捷音

十載青衫淚一枝桂影香喜拋兔園冊嬾逐槐花忙

登君山望大江

浮遠堂前路蒼茫草樹清堂建於宋紹興中懸崖千石瘦飛步

一身輕山小江聲壯天低暮色平風濤長在眼試檢宋

題名山有淳熙丁未羅春伯點

日下集

嘉定王鳴盛鳳喈

聖人出

聖人出四方皇以聖紹聖垂衣裳煌煌庭燎開建章嘈
嘈仙籟陳笙簧璇扃掩靄排天閭玉瑱雕楹金飾璫五
色焞爛爛齊光昭仁春温抗義秋霜紫煙裊空艾納香
六虬奕奕來常羊千騎萬騎紛成行禮神神降歆蘭觴
東方青圭南方赤璋西方白琥北方玄璜遂遣問民疾
苦毋出今年租賦闔澤汪濊咸悅康雲旗還佇翱翔十
二龍偃蹇驤黃支烏弋遙來王白臚冠劔鏗鏘鏘援琴

鳴絃奏薰風切房一彈再鼓儀鳳凰節節足足秋秋踳踳安歌雅舞諧宮商 乾隆聖德洪無疆披圖案牒超

虞唐

澄江口號

逃名吳下東家子

孫待詔

金門小秀才

張

太息斯人今

寂寞流傳啾點漫喧逐

春申君墓

纍纍荒土古苔生一曲離亭禍已成珠履三千皆上客
悔教國士失朱英

青陽

一碧溪流駛人家雲水隈船頭衝暮靄秦望數峰來

渡太湖

渺渺上孤舟蒼煙白露浮天涯明月夜落木洞庭秋有
酒謀長醉無衣動客愁頻年走吳市乞食媿沙鷗

垂虹橋夜泊

倚櫂垂虹畔蒼蒼夜氣分漁燈連雨暗戍鼓趁潮聞地
迴滄波外煙浮笠澤濱江湖今夕夢亦擬息勞筋

鷺脰湖

一水分鷺脰揚舲任所如斷虹藏綠樹晚市賣銀魚糴
程邨邨合籜筴箇箇疎此間堪結隱高枕即吾廬

湖州道中

一棹空濛杳靄間坐看雲樹獨忘還白鹽赤米南潯市
流水桃花西塞山焙繭香生蠶舍火種菱人語碧溪灣
千家城郭行將近猶有遙岑露髻鬟

廣德道中

策策寒飈問客程亂峰千疊暮煙平孤城却似邨墟僻
細徑時聞麋鹿行霜野稻收空水石人家樹杪露柴荆
堪欣此地民風古曾向春秋識舊名楚子西子期伐吳至桐汭即廣德地

呈曾夫子

名尚增濟南人由庶常出牧廣德

崢嶸海岱比隆名卧治何妨百里城三館簪毫文獨擅

一麾綰綬政初成鑒同玉尺真才得爨有焦桐雅意傾
十載青衫逢知己酒酣長嘯獨含情

過薛澱湖

眾澤東南匯蒼然煙樹重灣環二百里平浸兩三峰客
枕嚴更斷輕帆曉霧衝乍移楊柳岸坐愛水雲濃極望
飛空翠深山忽暮鐘屢屨青壁峭蘭若古苔封蕙帳祠
秦女靈泉閔毒龍半天樓隱隱四面浪淙淙澱山在湖濱上有普

光王寺秦女祠有龍洞下通太湖

此際牽行役何時策瘦筇勞生淹旅

夢活計羨吳儂別浦漁莊合疎籬雜卉穠秧田泥活活
芸鼓晝瑟瑟桑落浮邨社松明照夜春義魚先置簾編

椴或黏葑笈箸攜橫港符簷覆短舫農談真瑣碎野趣
便疎慵地本隣三泖潮來接五茸剡源曾有作戴表老
鐵刺遺蹤楊維禎我輩原同調紅塵怯病容綠簑如可着
判向釣船縫

泖湖竹枝詞四首

葦花淺葉接蒼茫谷泖橋邊上野航斜日一篙底蔓水
輕帆齊落秀州塘

由拳城西水拍天近橋長泖近山圓聞說女墻湖底現

那教滄海不桑田近山涇泖益圓曰團泖近泖橋泖益

闊曰大泖自泖橋而上縈繞百餘里
日長泖由拳故城沒於泖中每風息
雲開衢甃井闌畢現見顧清松江志

陳湖水平開鏡奩練塘孤嶼圍蒼蒹儂船恰趁晚潮去
望見亭亭一塔尖泖中塔五層元符間僧如海建

傍湖蟹舍共漁汀過雨波光似画屏浦口女兒眉樣好
彎環巧學九峰青

同邵楠亭玉蕓家蘭成過集高自柏泖上邨居

傍湖雲樹含暝煙籬外纜我西溪船故人握手樂復樂
滿座清談玄又玄杯行自怯酒戶小夜永徐看燈花然
判留信宿未可去檐前雨急春風顛

飲朱因在宅賦贈

一夕西牕剪燭時漫嗟相見十年遲青芻白飯能留客

細雨檐花儘賦詩獨抱遺經惟汝在別裁僞體有誰知
他年攜手名山去上下雲龍免別離

兩生行留別顧培穎錢曉徵

淞江水一灣活碧浮清泚數家雞犬繞孤邨幾處魚蝦
成小市顧生結屋江上樂地偏錢生于此襍被吟眺長
周旋開門十頃薑蔗田芭籬竹樹皆便娟斜陽斷處明
疎煙我來繩牀三日卧談公樂飲得自便我有兩妹事
兩生豈伊異人我弟兄度阡越陌良快意明朝岐路難
爲情薊門道遠堪惆悵眯眼黃塵作還往何不結隣此
地老江鄉椶鞵桐帽同徜徉長安詎易居西笑不自量

試看淞江潮兩迴別意與之誰短長

伍牧

宋將尹玉
戰死處

水市小橋帶夕陽鬼雄殘夜泣昏黃土花暈碧尋遺鏃
識是當時舊戰場

渡江

形勝江山在青蒼吳楚連斷雲京口樹殘雨廣陵煙壯
志風乘浪鄉心醉扣舷此來凡幾度彈指數流年

今十一年六
次渡江矣

高郵

蒼茫甃社湖奔流會清泚別浦重複重三十六陂水舟

人覺潮生連檣發沙觜新蒲抽紫茸綠鴨啞疎葦雖乏
好山色波光淨如洗彷彿曹生圖能事賞老米銀刀三
尺魚買得來小市對景斟瓦甌一醉良可喜須臾初月
生半魄正遇朏微雲忽盡捲空明接渺瀰便疑老蚌胎
移照入篷底

寶應

射陂何縈紆分流入柘溪孤城浸三板水高城轉低役
人何喧喧金錢築長隄種楊亦固岸處處枯生稊歸仁
工未就高堰潰堪危蟻穴一以漏中澤愁烝黎河濁自
古然一石數斗泥積潦雖汪洋形實同岩碕驅水使日
高築隄聊相支但塞不用疏此計空爾為我儕處甕中
所見亦醯雞用淮以刷河成議猶可稽

淮陰侯釣臺

泗水入淮處高臺傾已久昌亭寄食時一飯意良厚已
致千金報毋恩弓藏鐘室劇悲辛興劉蹙項渾閑事只
合終為把釣人

黃河三首

入塞洪流九曲通今朝眼界豁長空桃花暖漲銷殘雪
白日涵波動朔風春到魚龍爭變化地寬形勢接鴻蒙
大任禹力千年在何事奔騰却向東

醜酒披襟亦快哉
滄桑今古問寒灰
漢家沉璧宣房築
元使窮源蔥嶺迴
浩蕩天風浮仄岸
喧飀地軸走轟雷
羨他估客催三老
大艚戔戔劈箭來
濯足遙瞻萬里渾
盤渦轂轉鬱飛翻
由來川瀆星源合
長見隄防雁戶喧
平野雙涯連泗澤
青山一髮望中原
乘槎我欲凌牛斗
碧漢迢迢取次捫

宿遷

下相千年留戰地
宿男五等失遺封
祇今控馭無僞置
惟慮長堤怒浪衝

邳州

寒江疎豁峭帆舒
画角孤城晚照餘
却笑秦坑燒未盡
圮橋猶剩一編書

嶧山

一峰遙割龜鳧秀
曉色平添煙靄奇
漫說孤桐傳禹貢
早看野火失秦碑
雲開偃蹇抽蓮萼
天遠連蜷隱黛眉
跋馬斜陽重迴首
幾時策杖躡屣屣

滕縣

壤地五十里井田
九百分得人資畢
戰新國想滕文古
制遺編蝕荒原野
老耘寂寥千載後
搔首對斜曛

鄒縣謁孟子廟

松栝色蒼然，摳衣拜几筵。微言嗟泯滅，大道足陶甄。押

闔喧遊士，温醇起大賢。蘇洵上田樞密書孟韓之温醇成童淹六藝，趙

孟子注孟子通五經尤長於詩書斷織教三遷，見韓詩外傳悻悻誰堪匹。巖

巖氣自全闢，邪驅塞路守。正壓談天居，是孔門近功。同

禹力綿擁楹，空嘆息。見列女傳持杓昧方園，見史記本傳擾擾皆

楊墨庸庸，奈惠宣生遭。臧氏誚歿紀，報王年。見留青名

世虛千載遺，書祇七篇以。承三聖者不得其傳焉，賴有

丁著張鎰，出兼存趙岐。陸善箋鶴林多正論，鶴林玉露辨孟子不

非朝散亦勤編。孟子正義朝散大夫尚書兵部郎中充龍圖閣待制知通進銀臺司兼門下封

駁事兼判國子監上護軍賜紫金魚袋孫奭撰鄭友李觀，狂而易馮休。晁之偽

且堅怒，鼃枉據埴短。蠶漫張卷任爾，虬蟄撼終看日月。

懸追封傳自宋，元豐六年追封鄒國公受箭獨推錢。舊里連鳧繹

祠官肅，豆籩尊崇利國配。典禮政和沿，政和五年太常議以弟子配食

堂上贈利國侯樂正子一人廡下贈伯爵十五人碧映雙鴛瓦，晴飛五鳳甍。器

猶韓勅，造饗並史晨。虔往歲鑾輿至，曾聞芳藻奉。聖祖

仁皇帝幸魯致祭宮墻新黝堊，銀榜爛雲煙。世宗憲皇帝御書扁曰守先待後

小子生何晚，遺經抱頗專。鑿坏時遯跡，仰屋只高眠。便

擬移家具於茲，結數廛。仔肩歸後死，敢忘障狂川。

兗州曉發

渺渺昏鴉散，高城豁遠眸。南池看洗馬，東郡憶登樓。殘

月千山曙寒煙一抹浮荒陂蒼耳道撫景小遲留

夢遊岱嶽歌

我志窮十嶽身佩真形圖汶陽道上縱遠目突兀岱頂
青糝糊魯酒若琥珀絲繩提玉壺解鞍即醉倒偃卧胡
姬墟天風飄飄浮絕磴導我忽轉松蘿徑蘿徑逼高寒
蒼蒼十八盤漢策閱古字秦松瀉哀湍振衣便覺凌紫
極倚劔直欲生飛翰穹崖濺瀑多殊狀決皆已在層霄
上碧霞四氣拱星辰青帝五雲開嶢嶢嶢嶢嶢嶢嶢嶢
青封中雲氣縷縷生安期一笑相逢迎如瓜之棗出啗
我驂駕白鹿空中行天門詖蕩日觀龍從河流挂樹海

色搖空蒼煙九點望不極合沓下見扶桑紅銀臺倒影
火輪出驚回清夢仍相失風馬雲車乍有無丹梯翠壁
看明滅應劭記李斯碑平生懷抱空好奇餐霞鍊藥不
早決坐待蓬萊清淺始悔朱顏衰風塵迴首驅征鐸惟
聽霜鐘殷巖壑萬里終當汗漫遊十年肯負煙霞約

東平曉發

遠村荒雞號枕上失鄉夢披衣燈燄細屋角霜氣重僕
夫提煖湯相喚解寒凍出門山四圍孤城補其空十里
棗樹林朝曦散霧淞居民賣雪梨羌兒傾馬湏喧喧趁
墟人小市笑一闕堯祠已陳跡蒼鼠竄茅棟尚想五大

守古調足吟諷
渴泊與涸源
野碧涵茭葑
征途雖云勞
佳處聊目送

東阿道中梁山馬跑泉一帶細徑犖确大小石
子亘數十里車行顛擲行旅苦甚

曉星大如月照見衣上露須臾衆峰出行行莽回互三
歸跡已迷沛水流半淤蒼蒼馬跑泉崎嶇渺難度路繞
梁山遲始憶高適句碎石大如斗縱橫亂無數歷鹿簸
雙輪砰擊吁可怖驚飈捲地來撲面不得語淅淅雲氣
白荒荒日色暮人馬同時飢流汗劇窘步明發遵坦途
搖鞭出山去

渡濟水

北來所經行江淮河汶濟禹貢五大川一一入遙睇濟
自王屋來數眼沃泉沸其神號清源視公禮勿替茲來
問渡處翻怪流甚細束馬復懸車利涉快如駛画師咸
文秀點筆工遠勢過眼空雲煙撫景見大意西南鬱蒼
蒼遙青鋪佛髻下有三尺墳識是呂仲悌我亦慕不羈
浩然發長喟

在平題壁

長身九尺媿張鎬命酒一斗同馬周風埃滿鬢客萬里
那得將相酬恩讐

野店

土鏗無煙野店孤空林缺月挂模餽寒燈欹枕嚴更斷
一夜霜風刮草枯

河間旅店同錢林逸作

風鐸郎當易夕陽又看倦旅卸輕裝酒壚繫馬錢教數
茅屋張燈鈎共藏野入天雄山齧齧雲連涿鹿樹蒼蒼
祇憐雅樂今寥落誰指遺墟話故王

水田行

西北水田議始自徐貞明竭來畿南縱延眺極目千頃
煙波平七十二沽引通路九十九淀連環瀛三江五湖

宛在目南北地勢寧殊形單

鍰邴 曹周 英文 趙霖 書具在

築圩開浦毫釐爭行之自可畝一鍾雲帆安用資吳稔
君不見陂傳魚君鑿窪襲劉深名何時眼中見二子如
雲舉鍾歡春耕此中避世亦大好我將水際開柴荆

雄縣

控引燕南地勢尊水連瀛鄭暝煙昏瓦橋關險河流轉
亞谷城荒成馬屯朔氣吹沙迷客路冰澌塞岸減濤痕
宋遼指點尋盟處鎖鑰當年重北門

小市

小市黃茅店孤邨白板橋停驂成一宿客思最無聊易

酒偏難醉燕歌漫獨謠故園梅葉發歸夢落今宵

白溝河

一水中分南北流白溝此地即鴻溝而今四海為家日
黑子區區十六州

涿州

蚩尤霧散莽斜陽平野黃雲古戰場燕代山川連督亢
英雄魂魄戀樓桑空驚灰洞飛沙漲不見盤坡滴翠光
歷歷據鞍憑弔處書生岐路足悲涼

良鄉

輪蹄絡繹接神京百里鹽溝半日程紺塔遠當平野出

龍泉東繞故城清春風沙草新吹綠野店松醪恣意傾
獨有望諸今寂寞古墳無主後人耕

蘆溝橋

卧虹終古枕桑乾決泮渾河走急湍馬邑風煙通一線
太行紫翠壓千盤喚人喔喔荒雞早照影蒼蒼曉月寒
沙際閑鷗應笑我又聽鈴鐸送征鞍

憫忠寺二首

曲巷松陰轉金繩寶地開國殤資厭勝傑閣倚崔嵬頌
笑恭軍媚藏因舍利災幽尋多古意響榻剔莓苔
駐蹕哀淵聖捐軀想疊山節旄空落盡雪窖不生還竊

憤非無錄孤忠詎可攀徘徊指往迹流恨滿人寰

永光寺

萬壽元朝寺開山自辨公青松画障好淶漲巨潭空幽
砌飛鼉鼠疎花綴水藻避喧時獨往便擬脫樊籠

橐駝

負重何殊汗血勞胡兒踏雪出臨洮慣尋荒磧知泉脉
不怕尖風似利刀食用戎鹽左右儻蒙來錦帕脊峰高
可憐絕塞經行遍翠釜忍教饜老饕

過晉陽菴徐省若同年寓舍

微微仙梵出精藍樹影浮空割嫩嵐皂帽故人吟思苦

一燈古佛正同龕

洗象行

玉河瀲灩浮新水細柳微風塵不起隊隊黃門鼓吹行
迎來神象天街裏垂鼻鱗困赤鬪披高蹄馴擾雲旗指
烏鬘雙帚何超忽踏浪緣流千丈雪洗罷相將百戲呈
嗚嗚時作銅鼓聲是物朝正奉清宴祿支三品頗不賤
乘輿鹵簿駕輦過鐘鳴鞭響排班徧貢處多從林邑南
舞時直上含元殿誤隨甘蔗出山林長繫金鈴被羈絆
竭來京國遡遺風洗象年年此日同丹青圖画煩妙手
還憶萊陽崔子忠

石鼓歌

太學戟門有石鼓長廊大厦深藏絨手摩妙墨剔苔蘚

周秦刻石釋音史籀之跡近在關中虞褚歐陽共稱妙墨細讀古調同雲咸岐陽一

蒐誇盛事遮羅雉兔兼麇麇作歌紀績用傳後萬夫鑿

石來巖巖張耒詩十鼓巖巖萬夫鑿魯叟編詩偶不錄此豈有意相

夷芟陳倉野外棄置久剝落缺畫成纖纖其一作白幸

復出擅包席裹封瑤函宣和之年保和殿森陰翳鬱飄

松杉此鼓歸然珍襲好香厨冊府光芒銜九朝編年備要宣和元年

保和殿成高竹叢檜森陰自汴入燕竟無恙守護秘怪

神所監置諸兩塾始皇慶近光作賦辭誦誦于今又閱

四百載文多中斷真空嵌蛟龍攫網怒鱗凸鸞鳳軒翥

長毛夕滄桑久歷彌可貴至寶豈特逾球城昌黎宛陵

遞歌嘆雄章秀句窮鐫劂宇文以下那辨此子卿妄語

空譏讒我生金石有奇癖嗜好頗覺殊酸鹹章樵潘迪

施宿王厚吾衍薛尚鄭樵箋訓差能舉大凡竭來京國

睹此鼓不負萬里穿征衫試觀字體異蚪蚪乃知梅蹟

言多僂我方欲辨壁書偽傳鈔秃筆勞秋毫予撰尚書從朔十卷

攻古文之偽

響盞市上賣冰漿以盞相擊作聲謂之響盞

響盞響盞爾何為冰漿淺屑紅玫瑰九衢侵曉市門閉

土銼一燈紅穗細火雲徐起赤日高盞聲賣徧喧兒曹
長安熱客疲往返得此一劑清涼散飲罷揮汗衝颼塵
驅車仍蹋侯家門吁嗟頃刻清涼亦何益熱客之熱救
不得

採煤嘆

小車軋軋黃塵下云是西山採煤者天寒日暮採不休
面目黧黑泥沒踝南人用薪勞擔肩北人用煤煤更難
長安城中幾萬戶衛霍金盃酒肉腐吁嗟誰憐採煤苦

縫窮怨

婦人代客縫補
舊衣謂之縫窮

縫窮婦人走路旁提攜黃口來殊鄉紉新綻故十指忙

得錢不足一日糧東家女兒時世妝可憐傅粉復薰香
鍼線不拈衣滿箱

塞下曲

塞下寒侵鐵裊縵健兒齊控紫騮韉炕邊炙炭燒黃鼠
草上彎弓獵白狼邊城夜靜金笳發青海茫茫多白骨
黃沙百丈沒胡天蕃馬千羣嘶漢月臨江節士獨悲辛
十載腰鎌自負薪射虎短衣隨李廣聞雞中夜舞劉琨
軍書昨日催征戍匣裏寶刀忽號怒男兒裹革縱無期
磨盾猶堪裁露布

任城李太白酒樓歌

任城酒樓高入雲游絲飛絮何紛紛竹溪六逸今安在
斷碣蒼苔閱光彩汶水東流去不回徂徠秀色空崔嵬
紅泥亭子赤闌干當年豪飲來盤桓沉香牡丹看不足
騎鯨徑去埋青山我向東門遊登樓縱高宴魯酒白玉
壺不用金龜換醉眠衣上斑斑紅幾點春風落花片我
無謫仙百首詩興酣一斗頗似之鸕鷀之杯蒲萄酸何
當喚起同醉樓頭月

道上咏官柳

柳絲一路舞纖纖塞北江南綠未芟低覆濃陰停客騎
亂飄殘絮撲征衫非無朝雨烘晴翠只少春波送遠帆
却恐重來搖落盡天涯回首夕陽銜

破顏

輾轉旃車往復還半年塵土澣衣斑漫傳司馬宜乘駟
自識梁鴻早出關學道應須歸慧業著書端合讓名山
五湖煙水耕漁伴正好相逢一破顏

贈許子遜前輩二首

大雅扶輪手清時通德門尋山吟屐健習隱告身存自
顧羈栖慣欣逢笑語溫從茲頻載酒風雨得同論

正始今將絕平生亦足豪賞音得沈范

徐畏壘葉橫山
兩先生最相推

挹作意近風騷清廟朱絃貴陽春白雪高試觀獨到處

肯與俗人操

落景

落景柴門內閑來眺望賒
邨煙炊折葦溪鳥啄殘花
植援宜編枳疏泉好種瓜
何須嘆岑寂美酒是生涯

五畝

五畝未全荒周遮薜荔墻
更無軒騎到時覺芰荷香
妻訝吟成癖人憎醒亦狂
祇愁青鬢改歲月去堂堂

予欲采朋好之詩爲一編
篋中所得有洪稭人陳經
邦顧陶元倪弁江褚左義
張巨來倪端夔家學舒巨
川諸家暇日瀏覽因題短句

檢點題襟集看如束筍多
相思時悵望展卷幾摩挲
麗則詩人賦窮愁勞者歌
圖成傳好事主客本同科

城南訪張丈擔伯

問訊城南路幽人在澗阿
著書仰屋好頌酒閉關多
寂寞陵卧蒼茫梁父歌
論文一傾倒風雨數來過

呈楊文叔先生

談經伉伉斗杓迴湖海
耆英解愛才獻賦早簪東
觀筆辭榮重翦北山萊
通門孔李懷先澤往事龍
蛇話劫灰

先伯祖諱縉與令祖維斗先生同鄉薦

擬學侯芭勤載酒高文一一校讐

來

飲羅丈需材宅

銀燭湘簾映綺寮主人投轄興偏饒小槽滴酒飛三雅
側調傳聲抹六么夜永未愁蓮漏急春殘先怕杏花飄
明朝醉帽衝寒去又跨青驄折柳條

同郭曉昇吳在揚吉乃振緒摺升程自山金德
懷顧天則曹菽衣過滄浪亭

百頃風潭草樹濃湖州長史有遺蹤好攜北郭詩人伴
來聽南禪煙外鐘日暝滿川喧驟雨檐虛寸碧出遙峰
釣船擬約浮家住被衲衫輕手自縫

檀

一樹悠揚映碧空撩人淺暈亞枝紅最憐弄影閑堦畔
隨意歌眠曲沼中灞岸折殘添別種棟花開後又春風
分明爾雅餘箋注翠色河邊極望同

塘上行八首

一婦猶難庇袁家兒可哀從知官渡戰端只爲奴來
戲不觀騎馬生看覆玉衣怪來骨相貴合作魏宮妃
博奧驚文舉詼諧擘小箋傳來姐已賜一笑想當然
合坐低眉拜狂生平視時五官曾不怒誰遣阿翁知
鳳闕新人到羅衣掩涕愁早知糠塞口悔却強扶頭
一一灌均語難將煮豆寬如何金帶枕留待入朝看

生死情緣在驚鴻良會頻吾山清楚響喚醒夢中人
大令臨池妙家尊讓典型十三行寫遍何似序蘭亭
飲馬長城窟行

嬌女篇

結髮從軍去沙場萬里行玉鞭何用指馬自識長城

日高睡起遲阿母爲挽髻作女倚母憐作婦難倚壻

上津曲

姑蘇閭門外有上津橋下津橋

上津多估客下津多倡家喚取銀箏彈一曲楊柳花

踏青詞

南陌踏青去粧成日未晡寒簾催上轎嬌步索人扶

燒香曲

法鼓鳴金界靈旗裊蕙帷手拈香一炷跪拜學男兒

小長干曲

送歡小長干江帆疾于駛儂道是風波歡道是平地

懷人二十首

新建葉泊齋夫子一棟

埋輪風槩入臺初一角神羊肅簡書還憶絳紗諸弟子
舊遊長得奉藍輿

會稽周石帆夫子長發

講幄從容經術專芸臺秘籍費丹鉛篋中敏捷詩千首

擬做當時李漢編

長洲蔣西原前輩恭棊

一脫朝衫卧稻塍生涯雪屋紙牕燈識來奇字揚南仲
鈔就遺聞范致能

常熟王良齋夫子峻

白簡威稜凜似霜蘭臺筆札擅三長歸來松菊仍無恙
好續風流拂水莊

長洲李客山果

在亭健筆最嶙峋短律長歌妙入神野史耦耕如論定
他年詩老屬斯人

長洲惠定宇棟

紅豆傳經啓後賢鏗鏗伉伉腹便便世人未得窺新著
只愛漁洋有鄭箋先生攻古文尚書與予意合羣經各有撰述又嘗注漁洋山人詩

吳江沈冠雲彤

箋傳紛綸滿腹儲百川疏導得歸墟如何制作脩明日
不遣斯翁議石渠先生有周官祿田考五溝異同辨

無錫吳尊彝鼎

宋元易說浩難尋義海童溪盡苦心解事吳生能薈粹
荒唐笑殺火珠林先生有易問中文考

歸安董璽之豐垣

汲冢遺編雜偽真濟南大傳久沉淪愛君嗜古成奇癖
蠹簡千年復斬新證尚書大傳考輯
陸之有竹書紀年辨

會稽商寶意前輩盤

索筆長趨清禁鐘一麾出守近廬峰藤梢橘刺交廳事
吟對屏風九疊濃

長洲蔣蟠倚仙根

垂露懸針照眼明驚看腕力掣長鯨珊瑚鐵網都收拾
不數嘉禾項子京

長洲韓其武騏

滌骨鉸肌格儘奇都官水部轉多師比來蹤跡成蕭散

懶作虛靴桃杖詩

嘉興錢坤一載

仲文古調邈難攀燕市悲歌數往還此際討春應出郭
瘦筇圓笠大房山

江寧秦魯一大士

短褐論交有數君飛揚淮海氣凌雲六朝風雨供吟眺
同調欣看張我軍魯一有風雨吟

常熟邵叔山前輩齊燾

退食金坡逐勝遊匆匆驢券漫勾留虎坊槐市題襟處
回首升沉動別愁

德清徐陶尊以泰

兀傲詞場獨擅雄一篇茶瓊句尤工煙波茗雪溪流好

翰爾孤吟漁笛風陶尊有嘉靖醮壇茶瓊歌

上海曹鴻書錫寶

京華旅食鎮相於顧我秋霖腹疾餘剩有好詩抱山去
故應同作曝腮魚

如臯姜靜宰恭壽

訪古閑登碣石臺相將驅馬向蒿萊故人豪興應如舊
一別五湖歸去來

無錫潘璜溪望齡

抱影衡門用意殊蓄畬經訓剷榛蕪東巘訂義編成後
乞得賓州文學無

青浦邵楠亭玉藻玘

谷水崑山話舊時青門二妙愜心期醉眠共被尋常事
今日天涯有所思

顧丈祿百枉過不值却寄

一徑風雨夕殘紅屐齒香虛煩高士駕出飲久空牀

秋蘭同張誠伯蔣倫表彭顥若蔣遇純賦二首

眾卉飄零候芳叢擅素秋漫言風露冷不礙色香幽小
院數莖澹閑堦片影留擷來宜紉佩楚客起離愁

冉冉涼飈動離離曉霧團國香寧畏晚空谷不知寒杜
若芳洲落靡蕪曲徑殘涉江遲暮意珍重後時看

